

Салнь гардачнр

„Ергенинский“ совхозд тэрэн хашнъгар хурагджана

Приозерн района „Ергенинский“ совхоз (директорнь Батырев, партийн организацин сeглэтрнь Слaстeнeв, ах агрономнь Хромов), эн джил 3381 гектар газрт тэрэ хадж, хурах бээсн. Түүнэснь 213 гектарнь хаврар тэргдсн цагъан гуйрин буудя, наадкснь хар гуйрин буудя.

Эдн ним ик даалгъврта кōдлмшиг арднь ордж, цаадк-наадкинъ цугтагъинъ тоолдж, экнэснь авн кумн кевэр бурдэдж чадсн уга. Ода кōдлмшин гургү цагла тер тоотнь илддж гарч ирв.

Тэрэ хуралгъна түүн бдрэснь авн гилтэ эн совхозин цуг гардачнрин дотран тоолджасн, эднэ нег ик хаджгэр тоолврнь илддж медгдв. Тэрэ хуралгъна цагт хадлгън цоклгън хойринъ онц-онцднь келгънэ, амтнд цугтаднь медгддж одсн, кōдлмшин иим гээвгээ гидг эв-аргъиг, эдн йир керго юмнд тоолджацхадж.

„Хадлгън цоклгън хойриг онц-онцднь кехмн гихлэ, механизатормуд цугъарн бурушадж шуугцхана, эдн комбайнар гооднь хурахар седцхэнэ“ -- гидж совхозин агрономнь аргънь тасрсн бнэгтэггэр, гаран делгдж келнэ.

Ода энүнэ шинджэр болхнь, эдн тэрэ хуралгъиг, хадлгън цоклгън хойринъ онц-онцднь келгънэ эв-аргъар кехэр дала икэр шунджацхасн онг уга.

Тэрэ хадж хуралгъан эн совхоз июнь сарин 30-с авн эклдж. Тэрэ хадж хуралгъан эдн, хадлгън цоклгън хойринъ онц-онц келгънэ эв-аргъар түүрүлэд эклцхэдж. Эн ним эв-аргъар эдн июнь сарин 30-с авн июль сарин 12 күртлэрэн гидж 675 гектар газрт тэрэ хадж хурацхадж.

Комбайнар гооднь хадж хуралгъар, түүнэ хōбн, июль сарин 6-с авн эклцхэсн бийнь, эдн 776 гектар газрт тэрэ хадж хурацхадж. Эднэ аальмекнь медгджэнэ. Иигдг учрнь -- комбайнар гооднь хуралгъиг бидн хōбннь эклсн болдг болв чигн, элэдэр кевдн гидж келхэр седлгън болджана. Тиигхлэг хадлгън цоклгън хойринъ онц-онц келгънэ эв-аргъ голгдх учрта.

Тегэд цуг эн тоотарнь тоолад авад ирхлэ, „Ергенинский“

совхозин гардачнр, тэрэг гару угагъар хадж хурадж авхин тōлэ кегддхэ, хадлгън цоклгън хойринъ онц-онцднь келгънэ эв-аргъинъ ач-тусинъ, чинринъ буурулхар седцхэснь кенд болв чигн ил үзгддж, медгдджэнэ.

Тэрэ хадж хуралгъна кōдлмшэн эн совхозин гардачнр, кецү гидг салнъгар, ямаран чигн белдвр угагъар эклцхэдж.

Цуг эн тоотнь ода кōдлмшин гургү цагла харгэдж илддж, түүргэр күцэх кōдлмшт ик гидг саалтган үзүлдж йовцхана.

Буудя зōбх саамд кесг автомашиднь хамхрха, ясвр уга болдж гарв, машинднь запчастъ уга зогсджана. Дакад болхла, буудя цеврлгънд, буудяг машин деер гаргэдж ачлгънд керглгддхэ транспортмуд уга. Аш сүүлднь, буудя хадгълх, хур-чиигэс халхлх газр уга. Чиньнурдн гихлэ, чиньнурмуд чигн уга болдж гарчана.

Ода эн тоотинъ санхнь, совхозин гардачнр ю тоолджацхэснь, ямаран кōдлмш кеджэцхэснь нам медгддхэхш.

Тэрэ хадж хуралгънд кōдлдж йовх улст хот-хол зōблгън йир му. Ядхдан хальмгцэ бээдг бишв? Зэрм бригадсар нам тернь чигн уга. Кōдлджэх улс, ямаран ун-шань авхинъ, ямаран кемджэтэ кōдлмш кехинъ, эднд нам күн цээлгэдж бгчэхш.

Тэрэ хадж хурадж йовх улс дунд, тасрхан сэн кōдлмш кецхэснь чигн бээнэ. Комбайнер Бондаренко, тракторист Борисенко, эдн бдртэн 40-д гектар хадсн, тер бийнь эднэ тускар совхозин гардачнр нег амн уг келцхэхш. Ямаран кевэр, ягэдж сэнэр кōдлмш кесинъ, тиим улсин нердиг олд эркн биш медүлджэх кергтэ.

Тэрэ хадж хуралгъиг түүргэр, сэнэр кедж тōгсэлгън -- „Ергенинский“ совхозин гардачнрт йир чангъг шуувр болхмн. Совхозин цуг коллектив болв чигн, гардачнрнь чигн, эн шуувриг даадж, нерэн гутал уга, эврэннь чангъг-чииргэн, даалгъан күндтэ тōрмүдиг күцэдж чадхан медүлцхэх зōвтэ.

Р. ГАЛЬПЕРИНА.